

**Naatsorsuuserineq pillugu inatsisip Kalaallit Nunaannut  
atuutilersinneqarnissaa pillugu peqqussut**

Naatsorsuuserineq pillugu inatsimmi § 20 naapertorlugu, tak. inatsit nr.1006, 23. december 1998-meersoq<sup>1</sup> inatsit nr. 245, 27. marts 2006-meersumi<sup>2</sup> § 5, imm. 2 inuutissarsiutitut ingerlatat ingerlatsiviit ukiumoortumik naatsorsuutunik saqqummiussisanerat pillugu inatsisip allangortinneranut il.il. tunngasoq, (ukiumoortumik naatsorsuutit pillugit inatsit), naatsorsuuserineq pillugu inatsit taamatullu kukkunerisuisut naalagaaffimmit akuerisat aamma nalunaarsorneqarsimasut pillugit inatsit (Ingerlatsiviit ilaannut kukkunerisuisussaataanerup annikillinera aamma ingerlatsinermi nammatassat annikillinerat) aamma inatsit nr. 509, 7. juni 2006-meersoq akileraartarneq aamma akitsuusiisarneq il.il. pillugu inatsisip assigiinngitsut allangortinneqarnerinut tunngasoq. (Ingerlatsinermi nammatassat oqilisinneqarneri) aalajangerneqarpoq, inatsisip Kalaallit Nunaannut atuutissasut, taamaalilluni naatsorsuuserineq pillugu inatsit ulloq 1. august 2008-mit Kalaallit Nunaannut atuutilissaaq, imatut oqaasertaqarluni:

Kapitali 1

*Naatsorsuuserisussaataaneq*

**§ 1.** Inatsit atuuppoq inuutissarsiutitut ingerlatanut ingerlatsivinnut Kalaallit Nunaanni pilersinneqarsimasunut, sugaluartaunulluunniit, apeqputaatinnagu piginnittuunermut imaluunniit akisussaannermut tunngasut aamma inuutissarsiutitut ingerlatat Kalaallit Nunaanni ingerlanneqartut ingerlatsivinnit nunani allani angerlarsimaffeqartunut

*Imm.* 2. Taamatuttaaq inatsit makkununga atuuppoq ingerlatsivinnut, kattuffinnut aamma suleqatigiiffinnut il.il. (ingerlatsiviit il.il.):

- 1) Ingerlatsiviit il.il. akileraartussaataitasut imaluunniit tamakkiisumik imaluunniit ilaannakuusumik Kalaallit Nunaannut akileraartussaataitasut, imm. 1-mi ilaatinneqanngippata.. Naalakkersuisut, Akileraartarnermi Pisortaqarfik tamakkiisumik imaluunniit ilaannakortumik ingerlatsiviit il. il inatsimmit ilaatinngitsoorsinnaavaat. Ingerlatsivik il.il. nr. 2-mi peqatigitillugu ilaatinneqarpat ilaatinneqanngitsoornissaaq aatsaat pisinnaavoq pisortaqarfik pineqartoq isumaqatigeqqaarlugu.
- 2) Ingerlatsiviit il.il. Naalakkersuisunit, qallunaat naalagaaffianit imaluunniit Den Europæiske Union-imit toqqaannartumik tapiiffiqineqarnissamut piumasaqaatitaqarpata naatsorsuutitut tunngasunik tunniutaqassapput imm. 1-mi ilaatinneqanngippata. Pisortaqarfik akuersissuteqartuusooq tamakkiisumik ilaannakortumilluunniit ingerlatsiviit il.il. ataasiakkaat inatsimmit ilaatinngitsoorsinnaavaat. Ingerlatsivik il.il. peqatigalugu nr. 1-mi ilaatinneqarpat ilaatinneqannginneq aatsaat pisinnaavoq Naalakkersuisut, Akileraartarnermik Pisortaqarfik isumaqatigiissuteqarfigeqqaarlugu.

*Imm.* 3. Inatsit, makkununga ingerlatsivinnut atuutinngilaq, ingerlatsivinnut kattuffinnut il.il.:

- 1) Ingerlatsiviit, inatsisartut inatsisaanni nr. 23, 3. november 1994-meersumi Kalaallit Nunaanni Namminersornerullutik Oqartussat naatsorsuuserisoqarfiani il.il. imaluunniit qallunaat inatsisaanni naalagaaffiup naatsorsuuserisoqarfiani ilaatinneqartuni.

- 2) Ingerlatsiviit il.il. taamaallaat naatsorsuuserinermi malittarisassani ilaatinneqartut imaluunniit inatsisartut inatsisaat nr. 20, 3. november 1994-meersoq kommunalbestyrelsinut aamma nunaqarfinni aqutsisut il.il.naapertorlugit aalajangersarneqarsimasut.

## Kapitali 2

### *Nassuiaatit*

§ 2. Ingerlatsivik inuutissarsiutitut ingerlataavoq imaluunniit inuutissarsiutitut sulianik ingerlataqartuuvoq, nioqqutissanik, pisinnaatitaaffinnik, aningaasaatinik, kiffartuussinernik imaluunniit assigisaanik tunisisaruni naliginnaasumillu taakkunannga akiliutinik tigusaqartaruni.

*Imm. 2.* Imm. 1-mi allassimasoqaraluarpalluunniit, ingerlatsivik isigineqassaaq inuutissarsiutitut ingerlatatut imaluunniit inuutissarsiutininik suliaqartutut, aktiselskabit pillugit inatsit Kunngip peqqussutaatigut Kalaallit Nunaannut atuutilersinneqartoq, anpartselskabit pillugit inatsit Kunngip peqqussutaatigut Kalaallit Nunaannut atuutilersinneqartoq, aningaasaateqarfiit inuutissarsiutitut ingerlatat pillugit inatsit Kunngip peqqussutaatigut Kalaallit Nunaannut atuutilersinneqartoq, inuutissarsisutitut ingerlatat ilaat pillugit inatsit, Kunngip peqqussutaatigut Kalaallit Nunaannut atuutilersinneqartumut ilaatinneqarpat imaluunniit inatsit naapertorlugit inuutissarsiutitut ingerlataappat. Tamanna atuuppoq apeqqutaatinnagu ingerlatsiviit tamakkiisumik imaluunniit ilaannakortumik inatsisini taaneqartuni aamma inatsiseqarnermut piumasaqaatini ilaatinneqanngikkularpataluunniit.

### § 3. Naatsorsuuserinermi atortutut isigineqassaaq

- 1) nalunaarsuinerit, ilanngullugit nuussinerit nalunaarsukkat, tak. § 4, imm. 1,
- 2) naatsorsuutit allaaserineri, ilanngullugit qarasaasiatigut paasissutissanik paarlaasseqatigiinnernut isumaqatigiissutit, tak. § 14, imm. 2,
- 3) iliuuserineqartut, naatsorsuuserinermi atortut toqqortarinissaannut aamma nassaareqqinnissaasa allaaserineri, tak. § 14, imm. 3,
- 4) ilanngussat aamma uppernarsaatit allat, tak. § 5,
- 5) paasissutissat, nakkutilliinerup nassaarinissaanut pisariaqartinneqartut, tak. § 4, imm. 2,
- 6) naatsorsuutit, inatsit naapertorlugit suliarineqarnissaanik piumasaqaatitallit aamma
- 7) kukkunersiunerimik allattaaviit.

*Imm. 2.* Inatsitigut allamik taasaqartoqarsimanngippat, naatsorsuutininut ilaapput, tak. imm. 1. nr. 6, ukiumoortumik nalunaarutit aamma assigisaat, naatsorsuutininut attuumassuteqartut.

§ 4. Nuussinerit nalunaarsukkat nassaarineqarsinnaneri matumani paasineqassaaq, nalunaarsukkat ataasiakkaat aamma naatsorsuuteqartussaataasut ukiumoortumik naatsorsuutasa, akileraarutitigut-imaluunniit akitsuutinik nalunaarusiaata, tapissutininut naatsorsuusiaata imminnut attuumassutaat imaluunniit naatsorsutit qanoq suliarineqarsimaneri, inatsit naapertorlugit suliarineqarsimasussaasut.

*Imm. 2.* Nakkutiginninnermi nassaarineqarsinnaaneri paasineqassaaq tassaammata paasissutissat, nalunaarsuinerup eqqortuunerinik uppernarsaataasut.

§ 5. Ilanngussat paasineqassapput tassaasut nuussinerit isumaqatigiissutaasimasut pisariaqartumik uppernarsaataat, naatsorsuutini nalunaarsorneqartut, apeqqutaatinnagu uppernarsaatit qarasaasiakkoortuunersut, mikrofilmiunersut, pappiaraanersut imaluunniit paasissutissat allat. Ilanngussat avataaneersut paasineqassapput tassaasut naatsorsuisussaataasumiinngitsut allaninngaanneersulli, Ilanngussat allat suliffimmi namminermineersutut isigineqassapput.

## Kapitali 3

### *Naatsorsuuserinermi piumasagaatit nalinginnaasut*

§ 6. Naatsorsuuserineq iluarsaaneqassaaq aamma suliarineqassaaq kusanartumik naatsorsuuserinissamik pissuseqarnissaq naapertorlugu ingerlatsiviup qanoq ittuunera aamma annertussusia eqqarsaatigalugu. Tamatuma saniatigut naatsorsuuserineq piareersarneqassaaq aamma suliarineqassaaq, naatsorsuuserinermi atugassat ajortinnaveersaarlugit, iginnagit imaluunniit allangortinnagit, soorlutaaq kukkuneqannginnissat aamma atorneqarneqannginnissat qularnaarneqassasoq.

*Imm.* 2. Naatsorsuuserinermi atortussat iluarsineqarpata, imareqqaagai aamma imai allangortinneqartut suliami erseqqissumik takuneqarsinnaassapput.

## Kapitali 4

### *Nalunaarsuutit aamma uppernarsaatit*

§ 7. Nuussuinerit tamarmik eqqortumik nalunaarsorneqassapput ingerlatsiviup qanoq ittuunera aamma annertussusia eqqarsaatigalugit. Ilangullugittaaq nuussuinerit nalunaarsorneqassapput piaarnerpaamik, nalunaarsuinessamut tunngaviusut pissutsit paasineqarneriniit. Ingerlatsivik qanoq ittunini aamma annertussusini tunngavigalugu pisianik aamma tunisanik nalunaarsuisinnaanngitsoq, taarsiullugu nalunaarsuisinnaavoq ullormut kassimi uninngasut naatsorsorneri tunngavigalugit.

*Imm.* 2. Nalunaarsuinerit sapinngisamik suliarineqassapput nuussuinerit suliarineqarnerisa tullerriaarneri malillugit. Nalunaarsuinerit innersuussissapput ilanngutanut taakkununga tunngasunut aamma paasissutissanik imaqqassapput, naatsorsuuserinermi nalunaarsuinerit ataasiakkaat piffissami inissineqarfiata aalajangernissaa ajornarunnaarsillugu.

*Imm.* 3. Nalunaarsuinerit, pisariaqarnera malillugu, ingerlatsiviup qanoq ittuunera aamma annertussusia malillugu uninngasuutitut oqimaaqatigiisinneqassapput ilanngullugit kassimi uninngasuutit- aamma uninngasuutit aningaasanngoriaannaat.

*Imm.* 4. Nalunaarsuinerit suliarineqassapput qallunaat koroonii, uero imaluunniit nunap allap aningaasaa pineqartoq atorlugit. Ingerlatsivik aningaasat allat atorlugit taamaallaat nalunaarsuisinnaavoq ukiup naatsorsuiffiup aallartiffiani, imaanngippat aningaasaaq taanna ukiup naatsorsuiffiup pineqatup aallartinnginnerani nalinginnaasunnorsimasooq.

*Imm.* 5. Nunap allap aningaasai atorlugit nalunaarsuisoqarpat, ilanngullugu euro, nalunaarsuinerim atorineqartut imaqqassapput paasissutissanik, ullormi nuussiviusumi aningaasat nalignut imaluunniit allatut naatsorsuerialaatsimut assigusumik, qaqugukkuugaluartorluunniit qallunaat korooniit naatsorsuinessaq periarfissaqalersillugu. Erhvervs-og Selskabsstyrelsen nalunaarutikkut aalajangersinnaavaa, malittarisassat erseqqinnerusut imm. 1-mi allamut naatsorsuerialaatsimut taaneqartunut tunngasut.

§ 8. Nalunaarsuinerit tamarmik malittarineqarsinnaassapput § 4, imm. 1 malillugu pineqartuni naatsorsuutini, naatsorsukkani imaluunniit naatsorsuutit ilusilersornerini. Taakkunani kisitsisit nalunaarsuutini suminnagaanniit katitigaaneri nalunaarutigineqarsinnaasaapput.

§ 9. Sunaluunniit nalunaarsuut ilanngussakkut uppernarsaaserneqarsinnaassaaq. Avataaneersumik naatsorsuutini ilanngussamik sanasoqarsimappat, sapinngisamik taanna atorineqassaaq. Ilangussap ersersissavaa, nakkutiliinerim paasariaqartut qanoq paasineqarnissaasa periarfissaqarneri, ilanngullugu erseqqissumik nalunaarsimasalluni nuussuinerup ullua aamma aningaasartaa.

*Imm.* 2. Qarasaasiakkut paasissutissanik nuussineq tunngavigalugu nalunaarsuisoqarpat, naatsorsuisussaataitaasup aamma uppernarsassavaa nuussineq pineqartoq aamma taassumap piffissami sumi inissinneqarfia.

## Kapitali 5

### *Naatsorsuuserinermi atortut paarineqarneri*

**§ 10.** Naatsorsuuserisussaataitaasup naatsorsuuserinermi atortut isumannaatsumik paarissavai, ukiuni tallimani, ukiup naatsorsuiffiup, naatsorsuinermi atortunut tunngasup naaneraniit. Paarsineq imatut pissaaq, piffissami paarsiffiusussami nammineerluni aamma pisariittumik naatsorsuinermi atukkat pineqartut nassaarinissaat periarfissaqassalluni.

*Imm.* 2. Naatsorsuinermi atortut qarasaasiaq atorlugu, mikrofilmit atorlugit imaluunniit allatut tamatumap assigisaanik toqqortarineqarpata suliareqqinngikkaluarlugit, naatsorsoqqinngikkaluarlugit imaluunniit naleqqussarnagilluunniit erseqqissunngorlugit naqinneqarsinnaassapput.

*Imm.* 3. Iliuutsit allaaserineri, naatsorsuuserinermi atortut naninissaannut aamma erseqqarissunngorlugit naqitanngornissannut atorneqartut, tak. § 14, imm. 3, nr. 2, erseqqarissumik allaganngorlugit paarineqassapput.

*Imm.* 4. Imm. 1-3-mi aalajangersakkat atugassanik niuerfinni kassimi akiliutit allagartaannut aamma niuerfimmi namminerimi ilanngussanut atuutinngillat.

### **§ 11.** (Atorunnaarpoq)

**§ 12.** Naatsorsuuserinermi atortut Kalaallit Nunaanni paarineqassapput, taamaattoq tak. imm. 2. aamma imm. 2 – 5. Naatsorsuuserinermi atortut taarsiullugu Danmarkimi paarineqarsinnaapput, ingerlatsiviup aqutsisui aamma oqartussaasui Danmarkimit ingerlanneqarpata.

*Imm.* 2. Qaammammi ingerlatami aamma qaammammi siuliani naatsorsuuserinermit atortut nunami allami paarineqarsinnaapput, naatsorsuuserisussaataitaasup

- 1) atortut inatsit manna naapertorlugu paarinissaat isumagisinnaappagu,
- 2) atortut sukkulluunniit saqqummersissinnaappagit aamma
- 3) periuuserineqartartut atorneqarnerinut allaaserineri il.il. paarisimappagit aamma isissutissat pisariaqarut il.il. Kalaallit Nunaanniippata imaluunniit Danmarkimiippata, taamaalilluni pisortat oqartussaasut sukkulluunniit atortut pissarsiarisinnaallugit, tak. § 15.

*Imm.* 3. Ingerlatsiviup iluani aamma avataani ilanngussat, naatsorsuuserisussaataitaasup nunami allami suliaqarnerani atorneqartut, nunami allami pineqartumi, piffissaq paarsiffiususaaq tamakkerlugu paarineqarsinnaapput, tak. § 10. Naatsorsuuserinermi atortut allat, naatsorsuuserisussaataitaasup nunami allami suliaqarnermini atugassai piumasaaqatigineqartut assigi malillugit nunami allami pineqartumi paarineqarsinnaapput qaammammi atuuttumi aamma qaammadini qaangiuttuni pingasuni. Imm. 2, nr. 1- 3-mi aalajangersakkat taamaaqqataanik atorneqassapput.

*Imm.* 4. Erhvervs- og Selskabsstyrelsi immikkut pisoqartillugu sioqqutsisumik qinnuteqartoqarneratigut akuerisinnaavaa, imm. 1 – 3-mi aalajangersakkat tamakkiisumik imaluunniit ilaannakortumik sanioqqunneqarnissaat.

*Imm.* 5. Imm. 1 – 4 apeqqutaatinagu, Erhvervs- og Selskabsstyrelsi malittarisasassani aalajangersaasinnavoq, naatsorsuuserinermi atortut msiumut qinnuteqaaqqaanngikkaluarluni nunami allami paarineqarsinnaanerinit tunngasumik.

*Imm. 6.* Imm. 4-p nassatarisaanik aalajangiinerit Erhvervs- og Selskabsstyrelsimiit aalajangerneqarsimasut, Erhvervsankenævni, aalajangiinerup pineqartumut nalunaarutigineqarneranit kingusinnerpaamik sapaatip akunneri arfineq-marluk qaangiuppata suliaassanngortinneqarsinnaavai

§ 13. Naatsorsuuserisussaataitaaneq atorunnaarpat, kingulliullutik pisortaasut isumagissavaat naatsorsuuserinermi atortut, inatsit manna naapertorlugu sulii paarineqarnissaat. Ingerlatsivik Kalaallit Nunaata Eqqartuuisuuneqarfiata akunnermiliunneratigut atorunnaarpat, eqqartuussivik aalajangersinnaavoq, allat, kingulliullutik pisortaasuunngitsut, naatsorsuuserinermi atortut paarissagaat.

*Imm. 2.* Pisuni allani pisortaasut tunuarnerini, pisortani tunuartuni ilaasortat qularnaassavaat, naatsorsuuserinermi atortut, piffissaq tunuarfiusoq tikillugu pigineqartut, inatsit manna naapertorlugu paarineqarnissaat isumagissagaat. Pisortat tunuartut taarserlugit pisortat nutaat atulerpata, ilaasortaasut naatsorsuuserinermi atortut pisortanut nutaanut ingerlateqqissavaat.

*Nalunaarsueriaatsinik naatsorsuutinillu toqqorsinerit il.il. allaaserineri*

§ 14. Naatsorsuuserisussaataitaasup nuussinerit nalunaarsornerat naatsorsuutinillu toqqornerat aamma suliaq sumut atasuunera annertussusaanullu naleqqussarlugu allaaserissavaa. Ima allaaserineqarsimassaaq, inuup avataaneersup naatsorsuuserinermut teknologimullu atorineqartumut naammaginartumik ilisimasaqartup, qaquguluunniit takusinnaassavaa nalunaarsuinerit qanoq suliarineqarsimanerat aamma naatsorsuutit qanoq nassaarineqarsinnaanerit allaganngorlugillu anillatsissinnaanerit Allaaserisaaq allanneqassaaq oqaatsit pisortaqaqfinni atorineqartartut nalinginnaasut atorlugit aamma oqaatsit atukkat nalinginnaasut atorlugit sullivinnilu tamakkunani taaguutit atorineqartartut pisarnertut atorlugit.

*Imm. 2.* Nuussinerit nalunaarsornerisa allaaserinerat minnerpaamik imaqassaaq paasissutissanik naammattunik makkununnga tunngasunik

1) aqqissuusaanerit qanoq ilillutik qulakkeerneraat nalunaarsuinerimut tunngaviliisuusut tamakkiiisuulluinnarnerat aamma atortut atorineqartut eqqorluinnartuunerat, tassunga ilaalluni nalunaarsuinerimut tunngaviliisuusunik elektroniskimik paasissutissanik paarlaateqatigiinnermut isumaqatigiissutit,

2) aqqissuusaanerit qanoq ilillutik qulakkeerneraat nuussinerit nalunaarsorneri tamakkiilluinnartumik eqqoqqissaartumillu, tassunga ilaalluni konteriinnermut ilitsersuut, edb-systemit atorineqartut, assammik allaannartakkat il.il., aamma

3) atortorissaarutikkoortikkuminaatsunik nalunaarsuinerit qanoq suliarineqartarnersut, tassunga ilaalluni naatsorsuinerimut tunngavigisaq aamma naatsorsuinerimut malittarisaq(formeli).

*Imm. 3.* Naatsorsuutit toqqortarinerannik allaaserinnineq minnerpaamik imaqassaaq paasissutissanik naammattunik makkununnga tunngasunik

1) naatsorsuinerim atortunik toqqorsinerim periutsit atorineqartartut,

2) naatsorsuinerim atortut qanoq ililluni nuisinneqartarneri aamma allaganngorlugit anisinneqartarneri, tassunga ilaallutik adgangskodenut paasissutissat il.il., aamma paasissutissat paasiuminaallisakkat qanoq nutserneqartarneri, aamma

3) nunat allat aningaasaasa danskit aningaasannngortinnerisa kisinnerat qanoq nalunaarsorneqartarnersut.

*Imm. 4.* Imm.1-3 apeqquaatinnagit naatsorsuuserisussaataitaasup nuussinerit nalunaarsornerinut

naatsorsuutillu toqqortarinerannut suliarinneriaaseq (standardsystem) atorsimappagu, taaneqartunik allaaserinninnissaq pisariaqanngilaq. Immikkoortut 1-iat malillugu allaaserinninnginneq makkuninnga tunngaveqassaaq:

- 1) suliarinneriaaseq (standardsystem) annertujaamik allanngortinneqarsimassanngitsoq aamma
- 2) suliarinneriaatsimik (standardsystemimik) tunniussisuusimasup allaaserisat taamaattut, ingerlatsiviup toqqortarisai, suliarereersimassagai.

## Kapitali 7

### *Pisortaqarfiit naatsorsuutitut misissuisinnaaneri*

§ 15. Oqartussaassuseqartoq, inatsisit allat pisinnaatitsinerisa annertussusaat naapertorlugu naatsorsuuserisussaatitaasup naatsorsugaanik misissuisinnaavoq, piumasalarugulu, naatsorsuuserisussaatitaasup akiliisitsinertaqanngitsumik suut tamaasa ujakkaminik nassaarnissaminut naatsorsuutillu atuarnissaannut pisariaqartitani piareersimatissagai. Aammattaaq oqartussaasoq piumasaqarsinnaavoq, naatsorsukkat atuariaannanngorlugit anillatsinneqassasut, akiliisitsinertaqanngitsumik, tassunga ilaalluni nunat allat aningaasaannik, tassunga ilaalluni euro, danskit aningaasaanngortinnerinut naatsorsornerisa nalunaarsornerat. Naatsorsuutit, oqaatsit allat atorlugit allanneqarsimappata, nunat allaneersut pineqanngillat, kalaallisuujuunatillu danskit oqaaserinngisaat, oqartussaasuip piumasarisinnaavaa akiliisitsinertaqanngitsumik nutserneqarnissaat kalaallisuuunngortilluguit imaluunniit danskit oqaasinngortillugit.

*Imm. 2.* Naatsorsuuserisussaatitaasup oqartussaasup imm.1 malillugu piumasai sapinngisaminik sukkasuumik suliarissavai. Piumasaqaat nunani allani sulianut attuumassuteqarpat naatsorsuutitik, naatsorsuisussaatitaasup piumasaatip suliarinissaa isumageriissavaa, oqartussaasup pineqartup taassuma piumasaqarneranit kingusinnerpaamik sapaatit akunnerisa arfineq marluk qaangiunneranni.

## Kapitali 8

### *Iliuserisanut kinguneqartitsisarnerit pillugit aamma atuutlernissaa pillugu aalajangersakkat*

§ 16. Inatsit alla malillugu iliuserisassamik allaanerusumik aalajangiisoqarsimanngippat, akiliisitsinermik pillarneqassaaq ukuninnga unioqutitsisoq §§ 6-10, § 12, imm.1-3, aamma §§ 13-15.

*Imm. 2.* Najoqqutassiani, inatsit naapertorlugu naammassineqartussaasumi, aalajangerneqarsinnaavoq, najoqqutassianik aalajangersakkanik unioqutitsineq akiliisitsinermik kinguneqartinneqartassasoq.

*Imm. 3.* Unioqutitsinerit, inatsisitigut akisussaasunit piliarineqartut, tassunga ilaallutik aktie-, anpart- aamma andelsselskabet, interessentskabet, peqatigiiffiit, aningaasaateqarfiit, najugaqarfiit (boer), kommunet, kommunet kattuffii, § 64-imi pineqartut, kommunalbestyrelsit nunaqarfinnilu aqutsisut il.il. pillugit inatsisartut inatsisaanni, Kalaallit Nunaanni Namminersornerullutik oqartussat aamma naalagaaffik, piginneqatigiiffik il.il. akiliisinneqarsinnaapput.

*Imm. 4.* Pillaanissamut iliuserisassat pisoqalivallaarnissaat killilerneqarpoq ukiunut tallimanut.

§ 17. Naatsorsuutit toqqortarineqanngippata ukunani allanneqarsimasutut § 12, takuuk § 15, aamma pissutsit taamaattut takussutissaqarpata atornelunneqarnissamut ulorianaateqartut, naatsorsuuserisussaatitaasooq eqqartuunneqarsinnaavoq pissutsinut, pillarneqarneqarnermik kinguneqartinneqartumik, naatsorsuutitik nunani allaniititsisinnaanerinut piaaffigisaalluni.

Eqqartuussut eqqartuussinerup naammassineranit sivilissuseqartinneqassaaq ukiunik 1-iniit ukunut 5-inut. Eqqartuussiviup suliap ingerlanerata nalaani eqqartuussisup akuersissuteqarneratigut naatsorsuuserisussaatitaasoq naatsorsuutininunani allaniititsinnaajunnaarsissinnaavaa. Suliaq eqqartuussivikkut aalajangiiffiqarsinnaavoq, ingerlatitseqqinneq sunniuteqartussaajunnaarlugu.

**§ 18.** (Kalaallit Nunaannut atuutilersinneqanngilaq).

**§ 19.** Peqqussut atuutilerpoq ulloq 1. januar 2008-mi.

*Imm. 2.* Nalunaarut nr. 325 14. november 1961-imeersoq naatsorsuuserineq pillugu inatsisip Kalaallit Nunaannut atuutilernerani atuukkunnaannaassaaq 1. august 2008-mi.

*Imm. 3.* Inatsit, ukiumut naatsorsuiffimmut 1. august 2008-imi kingusinnerusukkulluunniit aallartittumut, atuutilissaaq. Aalajangersakkalli § 7, imm. 4 aamma 5, ukiumut naatsorsuuseriffimmut 1. januar 2008-mi kingusinnerusukkulluunniit aallartittunut atuutilissapput. Ukiumut naatsorsuuseriffiusunut, 1. august 2008 sioqqullugu aallartittunut, malittarisassat maannamut atuuttut atorneqaannassapput.

*Imm. 4.* Ilanngussat, 1. august 2008 sioqqullugu nalunaarsuinernut tunngassuteqartut, toqqortarineqarsinnaapput malittarisassat § 21-iat inuussutissarsiornermik ingerlataqartut ingerlatsiviisa naatsorsuutininu ingerlatsinerat, ukiumut naatsorsuutaat naatsorsuutinillu toqqorsisarnerat pillugu nalunaarut nr. 598, 21. august 1990-imeersumi. Malittarisassanik unioqqutitsinerit malittarisassat massakkumut atuuttut malillugit eqqartuussivikkut iliuuseqarfigineqassapput.

*Imm. 5.* Ingerlatsiviit il.il, 1. august 2008-mi malittarisassat atuuttut malillugit naatsorsuuserisussaatitaanngitsut, naatsorsuuserisussanngortinneqassapput inatsisip § 1, imm.1 malillugu, ukiumut naatsorsuuseriffiusumut aallartinneqartussamut atuutilersumik 1. januar 2009-mi kingusinnerusukkulluunniit.

*Imm. 6.* ( Kalaallit Nunaannut atuutilersinneqanngilaq).

**§ 20.** (Ilannguneqanngilaq)

*Christiansborgimi tunniunneqartoq, ulloq 23. juni 2008-mi.*

MARGRETHE R.

/Bendt Bendtsen